

SONDAGSKOOL LES: Die 10 Gebooie

Doel van les:

- Om Die 10 Gebooie op 'n eenvoudige manier vir die kinders te verduidelik sodat hulle dit sal verstaan en onthou.

Sê: Ons gaan vandag bietjie oor Die 10 Gebooie praat. Die 10 Gebooie is amper soos wette of reëls wat God vir Sy kinders gegee het. Al het God dit baie jare terug vir Sy kinders gegee, is dit vandag nog vir ons as God se kinders belangrik, en moet ons weet wat dit is, sodat ons dit kan doen. Ons gaan so paar speletjies speel om julle te help om Die 10 Gebooie te leer.

Ysbreker: Follow the leader: Kry 'n rooi, geel en groen stuk karton. Vra vir die kinders wat elke kleur beteken wanneer jy op die pad ry en by 'n robot kom waar daar 'n rooi, geel en groenlig is. Ons gaan nou 'follow the leader' speel, en julle gaan die bewegings doen wat ek doen. Wanneer ek die rooi karton ophou moet julle stop. Geel beteken ons doen dit stadiger, en groen beteken ons mag beweeg. Speel nou 'follow the leader' met die kinders waar jy verskillende bewegings doen soos hulle agter jou aanstap en hou die kleure op soos julle speel.

Aktiwiteit:

Maak gou 'n lysie in julle groepies van reëls wat julle by die skool en by die huis moet volg. Met ander woorde, wat mag julle doen en wat mag julle nie doen nie?

Kry terugvoering en vra vir die kinders wat sal gebeur as ons nie die reëls volg by die huis of by die skool nie.

Sê: Reëls of wette is nie altyd lekker vir ons nie, maar is daar om ons veilig te hou. Wanneer ma bv sê: Moenie drink nie, is dit nie omdat sy jou pret wil bederf nie, maar dis om jou veilig te hou. So is Die 10 Gebooie ook daar om ons veilig te hou.

Die Tien Gebooie

God het Moses geroep om die Israeliete uit Egipte weg te neem. Sy broer, Aäron, help hom.

Presies drie maande nadat hulle uit Egipte weg is, het die Israeliete in die woestyn Sinai gekom. Hulle het langs 'n berg kamp opgeslaan. Dit was toe op daardie berg wat God vir Moses geroep het en vir hom reëls gegee het om vir God se volk te leer, daar was BAIE reëls gewees, maar ons gaan net na die 10 belangrikste kyk - Die 10 Gebooie.

Die 10 gebooe:

Vat die woorde wat deurmekaar geskommel is en rangskik dit in die regte volgorde:

1. Daar is net nee _____ God. Jy mag nie ander deog _____
behalwe vir My hê nie.
2. Jy mag nie 'n gafod _____ of 'n eenkt _____ maak, voor dit
nielk _____, en dit God noem nie.
3. Jy mag My maan _____, nie keerderv _____ of as 'n
droekvloow _____ gebruik nie.
4. Kerw _____ ses dae van elke week en rus op die gasrud _____.
5. Eer jou ap _____ en jou am _____.
6. Jy mag nie droom _____ gleep _____ nie.
7. Julle mag nie julle nams _____ of neusrov _____ sommer net so los
as julle doertug _____ is nie.
8. Jy mag nie leest _____ nie.

9. Jy mag nie koj _____ nie.

10. Julle mag nie nesw _____ julle het iets wat iemand randes _____

s'n is nie

Afsluiting:

Hierdie gebooie is nie net vir grootmense of net vir kinders bedoel nie, maar vir almal.

God is baie lief vir die mense, die eerste vier reëls of gebooie help mense om te weet hoe om God lief te hê. Die laaste ses help mense hoe om liefde aan ander mense te wys.

Ek weet dis nie altyd maklik om al die reëls te volg, maar as jy dalk 'n fout maak, onthou dat jy altyd na God kan gaan en jammer sê.

Sluit af met gebed in groepe.

Antwoorde:

1. Daar is net een God. Jy mag nie ander gode behalwe vir My hê nie.
2. Jy mag nie 'n afgod of 'n teken maak, voor dit kniel, en dit God noem nie.
3. Jy mag My Naam, nie verkeerd of as 'n vloekwoord gebruik nie.
4. Werk ses dae van elke week en rus op die rusdag.
5. Eer jou pa en jou ma.
6. Jy mag nie moord pleeg nie.
7. Julle mag nie julle mans of vrouens sommer net so los as julle getroud is nie.
8. Jy mag nie steel nie.
9. Jy mag nie jok nie.
10. Julle mag nie wens julle het iets wat iemand anders s'n is nie.

